

in posterum fideliter inpendendi, libera. penitus et exempta, Ita quod per omnia eadem libertate gaudeant qua ceteri gaudent, qui nobis cum dextrarijs seruiunt phaleratis, Prohibemus igitur ne quis bona seu personas premissas contra huiusmodi nostram tuicionem, inpetere, grauare, seu molestare presumat, sicut gratiam nostram diligere voluerint inoffensam, Datum Anno domini Millesimo, Trescentesimo secundo, VIII^o. kalend. octobris.

På frânsidan: Priuilegia regalia episcopo scarensi data sed stricta aliquantulitèr.

Sigillet bortfallet från den ur brefvet klippta remsan.

1369.

1302 d. 7 Oct.

Konung BIRGERS Bref för Grefve Jakob af Halland och flera Danska flyktingar, att skaffa dem rätt af Konung Erik i Danmark och emedertid gifva dem tillflykt i Sverige.

L. f. 76.

Universis præsentis litteras inspecturis BIRGERUS dei gracia Svecorum Gothorumque Rex salutem in domino sempiternam Notum facimus per presentes nos a viris fide dignis veraciter didicisse, quod magnificus Princeps dominus Ericus Danorum Slavorumque Rex, frater noster dilectus, super causis, quas ipse nobilibus viris, dominis, Jacobo, comiti Hallandie, Petro Jacobs. domicello Nicolao et Johanne Petersun de regno Dacie profugis et proscriptis imposuerit, eosdem nobiles contra justiciam et leges patrie multipliciter aggraverat et eosdem ab aliis procuraverat indebite molestari; quam ob rem ad petitionem et instantiam incliti principis domini Hagenni regis Norvegie illustris fratris nostri carissimi, promisimus eisdem nobilibus bona fide, quod pro ipsis et eorum liberis prædictis, efficaciter placitare volumus, ac ipsis opem præstare convenientem, ut pro injuriis et dampnis illatis eisdem, justiciam consequi valeant et pro causis eis impositis excusacionem legalem seu legittimam facere, secundum Deum et justiciam, et ut in veris et approbatis libris regni Dacie legalibus continetur, nec non et memoratis nobilibus et eorum liberis supradictis, refugium in regno nostro concedere, si necesse fuerit, et eis videbitur oportunum, nec ipsos deserere volumus a nostris specialibus gracia et favore. In cujus rei testimonium una cum sigillo nostro sigillum domini Erici ducis fratris nostri dilecti, et sigilla dominorum Th. Marscalchi nostri et aberni sixstois. consiliariorum nostrorum præsentibus sunt appensa. Datum anno domini M. CCC. II. nonis Octobris.

1370.